

§. 12.

Hac vegetabilium contractione singularis existit vegetationis alpinae indoles, qua non solum abbreviatur truncus, sed etiam folia ex oblonga in rotundam abeunt figuram. Quae ratio trunci, quâ nexus naturalis inter folia atque ramos observatur, illorumque habitus eadem proportionem, ac truncus mutatur, omnino memorabilis est. Quis est, qui varietatem Betulae albae pendulinam non noverit? Hujus folia suum cujusque ramum imitari videntur. Rami pendentes sunt, atque graciles: proinde folia angustata atque acuta gerunt. Eadem Betula varios formarum modos emetiens, postremum in *fruticosam* vertitur, cujus folia parvula ac orbiculata e ramis valde torulosis erumpunt, adeoque trunco subdepresso optime respondent ⁱ).

§. 13.

Eadem ratione variationes Salicum interpretari oportet, quarum folia mirifice mutantur, non modo magnitudine atque pubescentia, sed etiam habitu atque figura, ut nullae sint Lapponiae species, quarum folia subrotundam ac

ⁱ) Dignoscitur Betula fruticosa Pall.: trunco subdepresso; foliis subrotundis, obtusis; squamarum lobis subaequalibus, et profundius, quam in *B. alba*, partitis. Ægre quidem a *B. nana* discernitur; sed transitus ad *B. albam* indubitabiles sunt.